

le cœur exubérant du Christ et l'humble esprit de l'Évangile :

« Amis, frères, disait, dans une émouvante péroraison, ce Bossuet des pauvres chaumières, vaiqua que je vos parlo inqueu betout par la darriri vai ; je siento arrimai que mos jors sont comptòs. Deman, ceta net, tot'ore, ma sero, o va me failli allò rindre comptio à Dieu dou tian perdu et de mon oura imparfaiti. Laissi-me donc vo parlò iqui cueur à cueur, tot come un père porle à sos efants, et accordò-me cella darriri morqua d'amitié, d'accotò avoi deferensa los avis d'in omo que n'a, vos ou saide, jamais marchandò quand o s'est agi dou sarvicio de Dieu o dou voutro. Avant donc de se quittò, et de se dire : *à vos commands*, recevi, d'ina bochi que n'a jamais minti, lo consai de l'ami que mode à l'ami que demore : laissi in'omo qu'est censé morant, vo rappelò la parola de via, et consacrò à instrure de frères bien amòs, lo darri sofflo d'iaa via que pòsse et d'in ardeur que s'eteint.

« Vore que je tocho d'un dai l'éternitò, et que par rin ou mondo je ne voudrìns vo trompò, laissi-me iqui vo rappelò que no n'ons pò aitò betò in çu mondo unicamint par avi noutre-z-aïse, ot que tot allaise a noutron grò et par noutra sola satisfaction. Nò, nò, iceïen n'est pò noutra demoranci. Cella terra n'est tot ou plus par no qu'un lieu d'épreuva, in'etapa placia ous abòrds dou grand viajo. La patria onte no devons tindre, est lò-mont, din lo sein de Dieu, lo cier ; din çu royaumo de contintamint, de paix et de justici, qu'al a promettu à sos elus et à cellos qu'ant accomplai la loi.

« Adonc cela loi, mos frère, qu'esto que le pot bien être ? In dous mots com'in cent, lavaiquia, sin tant de façons : Dou tian que Noutron Seigneur accomplaïssiet iceïen sa via mortala, in omo richo et puissant in Israël, qu'i nomòvont Nicodèmo, qu'equiet senateur et docteur de la loi, s'in venit in cachetta trovò Jesus, crainti d'être compromai